

顧

豹

集

觀
豹
集

敘



結髮束脩潛心擣逐偶有荇刺筆諸簡端陳陳相因固
所不免絮絮盈紙雅弗欲存益鐸刃剗霄非蹇驢所能
豎縱淵浴日豈尺鮒之能知布穀翻瀾徒形氾氾蝦蟆
塞塹空殫精力雖然詭億持掩不無小勝頭乘尾除劣
窺名理撫惠戴阮王之說獵江焦邵郝之書刻意搜羅
稍爲補綻亦較賢於賣菜傭耳旣不忍棄仍葺錄之斷
際之譚象教也譬一團水銀分散諸處人人是佛顥顥
皆圓僕謂說經政亦猶是旣憎割裂尤厭填厠鷄雞不
鳴或符鶚旦之旨阜落常覺轉輸古莽之愚得其肯綮

斯謂通拾其秕糠詎爲寶飼鳩鵲以千石虛耗居諸
交豹之一斑曾何裨益也通齋居士自敘

窺豹集卷上

目錄

ㄩ

彪蒙

十朋

豚魚

毒安也

營惑也

萬章錯簡

賢仁

皋沃

宣驕

竝徧也

鵝雁

橫被

烝烝

卹祀

作始也

儀獻通

孟勉也

哉才通

予仁若考

咸減通

俾從也

農勉也

擇言

伏生大誓

齊聖

在存也

侍人費

馬三匹

掠牦

輔車

左氏錯簡

蓐厚也

郈圭

暴桑

諸公大夫

迈人

楸

與字解

怨

格格通

隱儀

聖人

四國

親戚

易福薄

世從其失

守龜

猶豫

從容

歸終也

使勿毘

將字解

孝慈

登一

南面

於猶與

桓文

囂家也

諱釗

良國也

學靈三年

聖人作

何黨之乎

郊特牲衍文

醺

阿保

隱其學

唯字解

勞憂也

陽侯蓼侯

久則微

齊難

詭違也

禮鄉飲酒

緇衣

魚在在藻

爽惟民

行且也

遐不眉壽

啞

允王維后

冢伯維宰

考工出齊人

周王于邁

十九月

勝甲爲兵

一鼓鐵

慧字

陽貨

無過亂門

周太史

士富

湯取璽

巨海夷庚

兼國十九

三老

求位

不庭

繞朝

九刑

祭公

甚佞

古本禮記

紕

吉亥

耗斃

瓘

士土通

詩序

汔

邊

閭妻

今昔

留子嗟

元歌古通

亞飯干

殷高宗

燕壤

匪

干越

牛傷

爲字

色斯

咫字

終字

窺豹集卷上

江都蔣超伯輯

楊子雲蜀都賦上稽乾度則井絡儲精下按地紀則𠄎
宮奠位王尚書曰說文坤地也易之卦也從土從申
土位在申是乾坤字正當作坤其作𠄎者乃借用川
字也盧氏紹弓謂𠄎六畫不連連者是川字其說非
漢胡廣乎德先生法高卿碑曰彪童蒙作世師蔡邕處
士圈叔則碑曰童蒙來求彪之用文又司徒袁公夫
人馬氏靈表曰俾我小子蒙昧以彪蓋用鄭注苞蒙
苞當作彪彪文也之說

周易損六五或益之十朋之龜馬鄭虞翻皆依雅訓神
龜至大龜爲說郭璞亦然爾雅龜贊曰天生神物十
朋之龜或游于火或游于蓍集解引崔憬曰元龜價
值二十大貝龜之最神貴者雙貝爲朋也王尚書曰
崔說爲長並謂朋字亦與馮通藝文類聚引六韜曰
九江得大貝百馮超按邢凱坦齋通篇謂或益之句
十朋之句龜弗克違句蓋十人朋而益之雖龜亦不
能違詢謀僉同而龜筮亦協從也其義亦允

近世說經者以豚魚爲江豚蝦蟆爲井魴衆維魚矣衆
字作鰲皆曲說不足爲據

王尚書曰廣雅毒安也毒天下者安天下也老子亭之
毒之亦謂平之安之

易云不可榮以祿當依虞仲翔作營營惑也漢婁壽碑
曰安貧守賤不可營以祿周秦子書多以榮營通用
朱文定公士彥曰孟子萬章篇堯之於舜也使其子九
男事之二女女焉百官牛羊倉廩備以養舜于畎畝
之中後舉而加諸上位故曰王公之尊賢者也此七
句當在晉平公之於亥唐也一段之下上言非王公
之尊賢者也故下云王公之尊賢者也文勢一一緊
相貫注若士之不托諸侯至非養君子之道也義蘊

已罄其爲錯簡在此無疑

古仁人通論語古之賢人也言古之賢士且有仁行問
管仲曰人也卽謂仁也此朱武曹先生說超按論語
鄭注云孔子以伯夷叔齊爲賢且仁則康成已主此
說矣

易林否之師曰揚水潛鑿使石絜白衣素表朱遊戲皋
沃遊戲皋沃卽從子于沃從子于鵠也鵠皋同聲

鴻雁篇維此哲人謂我劬勞維彼愚人謂我宣驕毛傳
宣示也王尚書曰宣亦驕也左昭二十九年廣而不
宣易林需之萃曰大口宣舌井之恒曰方喙宣口宣

爲侈大之意非謂宣示其驕超按詛楚文云淫失甚
亂寔參競從失卽佚甚卽耽寔參卽宣侈二字平列
則宣亦訓侈

王尚書曰竝之言徧也文元年傳卿出竝聘言徧聘也
六年傳竝建聖哲言徧建聖哲也小雅並受其福謂
衆賓與主人普受此賓之福也并九三王明竝受其
福謂天下普受其福也立政以竝受此丕丕基謂武
王普受此大業也月令藜莠蓬蒿竝興亦普徧之義
古謂鵝爲雁爾雅舒雁鵞方言雁自關而東謂之鴈鵞
南楚之外謂之鵞說文鵞雁也雁鵞也莊子山木篇

命豎子殺雁而亨之謂殺鴈也齊策君鴈鶩有餘食
韓詩外傳及說苑並作雁鶩有餘粟漢書翟方進傳
有狗從外入齧其中庭羣雁數十皆謂鴈爲雁也若
指爲鴻雁豈能數十爲羣畜于庭院乎辨見王尚書
周禮膳用六牲各條馬令南唐書繼室周后傳將納
采後主先令校鵝代白鴈被以文繡使銜書侈靡不
經夫雁卽鵝之古稱鴻雁又是一類以鵝代雁並非
大謬而謂之不經則馬令之失考

漢書王莽傳曰昔唐堯橫被四表後漢書馮異傳曰橫
被四表昭假上下蕭吉五行大義引禮含文嘉曰堯